

Na osnovu člana 27. stav 1. alineja 6. Zakona o ustanovama („Službeni list RBiH“, br. 6/92, 8/93 i 13/94), i člana 37. Pravila Javne Ustanove „Kamerni teatar 55“ Sarajevo, broj: 10-A/08 od 04.09.2008. godine, 10-UO/12 od 29.3.2012.godine, 9-UO/13 od 21.10.2013.godine, 127-UO/19 od 13.11.2019.godine i 91/23 od 18.1.2023.godine, vd Upravni odbor Javne ustanove Kamerni teatar 55, Sarajevo na svojoj 6. sjednici održanoj 18.02.2025. godine, donosi:

## PRAVILNIK O NAKNADI ZAPOSLENIKA

### Javne ustanove Kamerni Teatar '55 za autorski rad izvan opisa poslova svog radnog mjesta, kao i izvođačke poslove izvan radnog mjesta

#### Član 1.

U Pravilniku o naknadi zaposlenika Javne ustanove Kamerni Teatar '55 za autorski rad izvan opisa poslova svoj radnog mjesta, kao i izvođačke poslove izvan radnog mjesta ( u daljem tekstu : Pravilnik) regulišu se međusobni odnosi , prava i obaveze između Javne ustanove Kamerni Teatar '55 i zaposlenika Javne ustanove Kamerni Teatar '55 , u izuzetnim slučajevima , kada se zaposlenik angažuje za poslove koji se smatraju autorskim djelom ili se angažuje kao umjetnik izvođač na poslovima koji nisu predviđeni opisom poslova i radnih zadataka radnog mjesta na koje je zaposlenik raspoređen u Javne ustanove Kamerni Teatar '55 ( u daljem tekstu : Teatar).

#### Član 2

U izuzetnim slučajevima, koje reguliše ovaj Pravilnik, Teatar povjerava obavljanje poslova zaposlenim koji osim svojih redovnih poslova se angažuju kao autori ili umjetnici izođači.

#### Član 3

Teatar može samo **jedanput godišnje** angažovati uz naknadu zaposlenika, za potrebe produkcije Teatra, **za obavljanje poslova koji se smatraju autorskim djelom** , a koji nisu predviđeni opisom poslova i radnih zadataka na koje je zaposlenik raspoređen.

Autorskim djelom u skladu sa članom 4. Zakona o autorskom i srodnim pravima („Sl.Glasnika BiH“, broj:63/2010 od 3.8.2010.godine) smatra se individualna duhovna tvorevina iz područja umjetnosti bez obzira na vrstu, način i oblik izražavanja. Autorskim djelom osobito se smatraju :

- pisana djela,
- govorna djela
- dramska, dramsko-glazbena i lutkarska djela
- koreografska i pantomimska djela
- glazbena djela s riječima ili bez riječi.

#### Član 4

**Zaposlenik** će poslove, za koje je angažovan od strane teatra, obavljati na način koji neće štetiti obavljanju poslova i radnih zadataka na svom redovnom radnom mjestu.

## Član 5

Za angažovanje zaposlenih u teatru, **kao autora**, za poslove koji nisu u okviru opisa poslova njihovog radnog mjesta, autoru pripada naknada.

Naknada iz stava 1 ovog člana, autoru se isplaćuje putem ugovora o autorskom djelu i to iznos od maksimalno 4 (četiri) mjesečne plate predviđene za radno mjesto režisera, kostimografa, scenografa i dramaturga.

Naknada iz stava 1 ovog člana, autoru glazbenog djela s riječima ili bez riječi se isplaćuje putem ugovora o autorskom djelu i to iznos u visini od maksimalno 4 (četiri) njegova mjesečna primanja isplaćena u pretnodna tri mjeseca.

## Član 6

Za angažovanje zaposlenika u Teatru, **kao umjetnika izvođača**, koji obavlja poslove koji nisu u okviru opisa poslova njegovog radnog mjesta, isplatit će se izvođačka naknada.

Naknada iz stava 1 ovog člana, umjetniku izvođaču isplaćuje se mjesečno putem ugovora o izvođačkom djelu, i to :

- za obavljanje izvođačkih poslova dramskog glumca u iznosu od 15% neto plate glumca, ako je igrao u jednoj predstavi u tom mjesecu
- za obavljanje izvođačkih poslova dramskom glumcu u iznosu od 30% neto plate glumca, ako je igrao u dvije ili više predstava u tom mjesecu.“

Ukoliko umjetnik izvođač nije igrao u predstavama, koje su na repertoaru u određenom mjesecu, naknada se za zaj mjesec ne isplaćuje.

## Član 7.

Ovaj Pravilnik stupa na snagu danom donošenja, a objavit će se na oglasnoj ploči i web stranici Javne ustanove „Kamerni teatar 55“ Sarajevo .

Stupanjem na snagu ovog Pravilnika prestaje da važi *Pravilnik o izmjeni i pravilnika o naknadi zaposlenika Javne ustanove Kamerni Teatar '55 za autorski rad izvan opisa poslova svoj radnog mjesta, kao i izvođačke poslove izvan radnog mjesta broj 14-A/11 od 09.12.2011.godine i Pravilnik o izmjenama i dopunama Pravilnika o naknadi zaposlenika Javne ustanove Kamerni Teatar '55 za autorski rad izvan opisa poslova svoj radnog mjesta, kao i izvođačke poslove izvan radnog mjesta broj 2309/24 od 28.8.2024.godine.*

Broj :216/25

Datum: 18.2.2025.godine

VD PREDsjedNIK  
UPRAVNOG ODBORA

Azra Sarić